

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BIHAĆ
OPĆINSKI NAČELNIK**

Na osnovu člana 38. Statuta Općine Bihać (“Sl.glasnik općine Bihać”, broj 09/08 i 6/05) i tačke 3.5. Projekta “Budi uzor 2009.”, Općinski načelnik Općine Bihać,
r a s p i s u j e

**JAVNI POZIV
za učešće u takmičenju “BUDI UZOR 2009.”**

1. PREDMET NATJEČAJA

Predmet natječaja je prikupljanje poslovnih ideja mladih starosti do 35 godina za takmičenje “Budi uzor 2009.”.

Ideja koja se prijavljuje mora se odnositi na poslovnu ideju ili zamišljen koncept u oblasti:

- malog i srednjeg poduzetništva i obrta (posebno tradicionalnih i deficitarnih zanata),
- turizma,
- poljoprivrede.

2. PRAVO UČEŠĆA

Pravo učešća u natječaju imaju građani BiH do 35 godina starosti, koji imaju prebivalište ili boravište u općini Bihać, a koji imaju interesantnu poslovnu ideju i žele je realizirati kroz započinjanje sopstvenog poslovnog poduhvata na području općine Bihać.

Projekt je namijenjen mladim osobama, studentima završnih godina, diplomcima, nezaposlenima i drugim mladim osobama koje planiraju započeti biznis u djelatnostima iz tačke 1.

Na natječaj se mogu prijaviti i mladi koji su već osnovali (ili upravo osnivaju) i vode preduzeće ili neku samostalnu djelatnost.

Podnosilac može prijaviti samo jednu poslovnu ideju.

3. NAČIN PRIJAVE

Svi zainteresirani će svoju poslovnu ideju prijaviti na obrascu prijave najkasnije do 22. juna 2009.godine. Obrazac prijave, sa detaljnim uputama o prijavi može se dobiti u Službi za razvoj, poduzetništvo i obrt, radnim danom: ponedjeljak, srijeda i petak od 08,00 do 12,00 sati, i na web stranici – www.budiuzor.bihac.org. Za prijavljene kandidate, u toku juna 2009. godine Općina Bihać će organizirati radionicu na temu: “Izrada biznis plana” na kojoj će prijavljeni kandidati dobiti sve potrebne informacije i uputstva o načinu izrade i sadržaju poslovnog plana.

Nakon obuke, zainteresirani kandidati će izraditi poslovne planove i iste dostaviti Službi za razvoj, poduzetništvo i obrt do 15. septembra 2009.godine. Poslovni planovi moraju biti urađeni u skladu s elementima iz Prijave i na osnovu uputstava dobivenih u radionici.

Zakašnjele prijave neće se razmatrati.

4. ROK I NAČIN OBJAVE POBJEDNIKA TAKMIČENJA

Do 15.10.2009.godine Tim za implementaciju projekta će pregledati, bodovati i ocjeniti pristigle poslovne planove u skladu sa kriterijima utvrđenim u Pravilniku takmičenja za izbor najbolje poslovne ideje "Budi uzor 2009."

Fond za nagrade iznosi 27.000,00 KM, a način raspodjele sredstava na dobitnike izvršiti će se u skladu sa brojem i kvalitetom pristiglih poslovnih planova, a sve u skladu sa Projektom i Pravilnikom takmičenja.

Sa nagrađenim kandidatima Općinski načelnik će potpisati Ugovor o dodjeli granta kojim će biti preciziran način utroška dodijeljenih sredstava, te nadzor nad utroškom .

5. OSTALE ODREDBE

Sve dodatne informacije vezane za natječaj mogu se dobiti u Službi za razvoj, poduzetništvo i obrt lično ili putem telefona broj 037 229-620.

Broj: 01/1 – 05 - 7221

Bihać: 14.05.2009.godine

OPĆINSKI NAČELNIK

mr. Hamdija Lipovača s.r.